



South and West Wales
De a Gorllewin Cymru



Ariennir gan
Lywodraeth Cymru
Funded by
Welsh Government

Anturiaethau a Chwedlau Cymru Wylt



TEITHIAU

www.welshwildlife.org/adventures





Cliciwch yma am y cyfarwyddiadau



TUA'R GORLLEWIN!



Bydd y daith hon yn mynd â chi i arfordir trawiadol Gorllewin Cymru ac yn cynnig cyfle i chi fwynhau'r bywyd gwylt rhyfeddol mae'r ardal hon yn ei ddenu.

YR AMSER GORAU: Mawrth – Hydref (Diwedd Mawrth – Gorffennaf i weld y Palod, yr hydref i weld cenawon y Morloi)

1. CEINEWYDD – CANOLFAN BYWYD GWYLLT Y MŌR BAE CEREDIGION

Bydd eich antur yn dechrau gydag ymweliad â thraethau euraid a harbwr heddydychlon Ceinewydd yng nghanol Bae Ceredigion. Cewch godi cestyll tywod ar y traeth a chael pysgod a sgoldion ar wal yr harbwr cyn ymweld â Chanolfan Bywyd Gwylt y Môr Bae Ceredigion, ble cewch yr holl wybodaeth am Dolffiniaid Trwyn Potel enwog y bae. Wledyn cewch fynd ar drip cwich gyda Thripiâu Cwich i Arolygu Dolffiniaid i fod yn agos at y creaduriaid rhyfeddol hyn yng nghwmni aelod o Dim Morol yr Ymddiriedolaeth Natur, Bae Ceredigion yw un o'r llefydd gorau yn y DU i weld Dolffiniaid Trwyn Potel, felly dyma brofiad cwbl hanfodol Peidiuich â'i gollit!

2. CASTELL ABERTEIFI – CANOLFAN NATUR CYMRU

Nesaf, ewch i'r de i lawr yr arfordir i dref Aberteifi, gan fwynhau gweld y castell sydd wedi'i adnewyddu yng nghanol y dref, cyn mynd allan o'r dref fyryn i warchodfa natur ragorol Corsydd Teifi a Chanolfan Natur Cymru. Dyma gartref i Las y Dorlan, Hebogau Tramor, Dyfrgwyn, Aderyn y Bwrn, Ceirw Coch a llawer o rywogaethau eraill ac mae'n lle rhyfeddol i'w archwilio. Yn yr haf, efallai y gwelwch chi ein Byffalo Dŵr sy'n byw ar y safle. Ewch i'r ganolfan i weld yr arddangosfeydd addysgol, i fwynhau'r bywyd cartref ac i brynu anrhegion. Os ydych chi eisiau ymestyn eich antur, beth am logi canŵ a rhwyfo i lawr ceunant yr afon. Mae'r ganolfan yn cynnal gweithgareddau a digwyddiadau teulaidd i deuluoedd, gan gynnwys archwilio pyllau, crefftau a theithiau tywys.

Am brofiad cwbl arbennig, beth am aros yn Oak Tree Cottage (Y Cwtch), ein bwthyn bach ni yng nghanol y warchodfa natur.

3. PENTRE IFAN – TYDDEWI

Ewch ymhellach i'r de heibio i Abergwaun a thuag at ddinas Ieif y DU, Tyddewi. Ar y ffordd, gwyrwch fyryn oddi ar y llwybr i ymweld â siambr gladdu neolithig hynafol Pentre Ifan. Ar ôl cyrraedd Tyddewi fe welwch chi siopau gyda chynnyrch lleol, oriolau, gan gynnwys Oriol Y Parc sy'n cynnal arddangosfeydd o bwys cenedlaethol, ac wrth giars yr Eglwys Gadeiriol enwog a Phlas yr Esgob. Archwiliwch yr Eglwys Gadeiriol a'r tiroedd cyn mynd i weld atyniadau eraill yr ardal. Cofiwch am Fferm Drychfilod Dr Beynon i ddysgu am bryfed a thrychfilod anhygoel (ac am gyfle i flasio byrger pryfed!), ewch i draeth hudolus White Sands, neu gyda phlant hyn rhouch cynnig ar Arfordiro - cafodd y gamp yma ei dyfeisio yn Nhyddewi - am antur llawn adrenalin.

4. LOCKLEY LODGE – YNYS SGOMER

Dyma un rhan o'ch trip chi i Orllewin Cymru sy'n gwbl hanfodol. Ewch i Ganolfan Ymwelwyr Lockley Lodge, ar un o'r penrhynau mwyaf De Orllewinol yng Nghymru, i gychwyn ar siurnai fythgofiadwy. Prynwch eich tocyn ac ewch ar siurnai 15 munud mewn cwich i Ynys Sgomer ble cewch gyfle i weld un o'r poblogaethau mwyaf gogoneddus o adar môr yn y byd. Rhung diwedd mis Mawrth a mis Gorffennaf fe welwch chi yma ffoedd o Balod Atlantaid, Gwylogod, Llusod, Adar Drycin y Graig, Gwylanod Coesddu a mwy, a hefyd, yn aml iawn, bydd posib gweld morloi llwyd, llambidyddion a Dolffiniaid Cyffredin yn y dyfroedd o amgylch yr ynys. Yn ystod mis Mai, mae'r ynys yn garped o glychau'r gog a gludlys ac, yn yr hydref, gellir gweld cenawon hoffus y morloi. Os oes gennych chi ddigon o amser, archebwch i aros dros nos ar yr ynys, i gael cyfle i weld a chlywed cannoedd ar filoedd o Adar Drycin Manaw'n cyrraedd yn ôl i'u tyllau ar ôl iddi dyuyllu.

5. CASTELL PENFRO – DINBYCH-Y-PYSGOD – PARC BYWYD GWYLLT MANOR

Nesaf mae'n amser am ychydig o hanes. Croeswch Afon Cleddau ac ewch i gyfeiriad tref hanesyddol Penfro, sy'n gartref i Castell Penfro, un o'r cestyll mwyaf aruthrol yng Nghymru, a man geni Brenin Harri VII (Harri Tudur), a orchfygodd Richard III ym Mrwydr Bosworth. Dringwch waliau'r castell ac ewch i'r daeargelloedd cyn arwydro i lawr yr afon i weld ier dŵr ac elyrch. Wledyn ymlaen i dref glan y môr Dinbych-y-pysgod gyda'i thraethau hardd, siopau, bwytai ac atyniadau teuluol. Gerllaw fe welwch chi gyrchfan olaf yr antur yma, Parc Bywyd Gwylt Manor, mewn 52 erw o barcdir yn Sir Benfro. Dyma parc sy'n cael ei redeg gan y cyflwynydd teledu a ffrind i'r Ymddiriedolaeth Natur, Anna Ryder-Richardson. Yma cewch weld swricatïaid, rhinoseros, feigrôd, walabïaid, lemyriaid a llawer mwy o greaduriaid anhygoel o bob cwr o'r byd.

GORLLEWIN CYMRU

5 - 7 diwrnod

ITINERARY

CYFANSWM O 123 MILLTIR



DRAW I'R DWYRAIN!

Ewch ati i archwilio hanes a bywyd gwylt rhyfeddol De a Dwyrain Cymru

YR AMSER GORAU: Drwy gydol y flwyddyn

1. TAF FECHAN - CASTELL COCH - PARC SLIP

Dechreuwch eich arthur drwy fynd am dro yng ngwarchodfa natur Taf Fechan gerllaw tref ddiwydiannol hanesyddol Merthyr Tudful. Mae'r ceunant calchfaen coediog a dramatig yma'n gartref i Ddyfrwain, Moch Dazog, ystlumod ac adar fel Bronwen y Dŵr, y Siglen Lwyd a'r Hwytaden Ddanheddog. Ewch am dro ar hyd y llwybr pren gerllaw i ganfod creaduriaid sy'n byw mewn pyllau, fel Gweision y Neidr a Mursennod.

Nesaf ewch i lawr yr A470 i gastell hudolus Castell Coch (CF15 7JS), ar lethr coediog gyda'i dyrrau canoloesol a'i du mewn trawiadol wedi'i baentio'n hardd. Mae fel camu i fyd arall. Os hoffech dreulio mwy o amser yn archwilio cestyll Cymru yn yr ardal yma, mae Castell Caerffili gerllaw yn werth ei weld hefyd. Oddi yma, ewch rywi ychydig i lawr yr M4 i gyffordd 36 a dilynwch yr arwyddion am warchodfa natur Parc Slip Ymddiriedolaeth Natur De a Gorllewin Cymru, ble gwelwch chi warchodfa ryfeddol i'w harchwilio, gyda choetiroedd, glaswelltiroedd a phyllau. Yma mae posib gweld Cornhwioglod, creaduriaid puill, adar y coetir, Gwartheg yr Ucheldir a mwynhau hanes y safle. Galwch i mewn yng nghaffi'r Ganolfan Ymwelwyr am fwyd a byrbrydau blasus.

Mae Parc Slip yn fwy na dim ond safle bywyd gwylt, mae hefyd yn rhan o lein reilffordd Dyffryn Llynfi a Phorthcawl, a wasanaetha'r diwydiannau glo a haearn yn yr ardal. Ewch am dro ar hyd y llwybr rheilffordd hanesyddol yma i ddarganfod hanes diwydiannol cyfoethog yr ardal. Ymhlith yr atyniadau eraill yn yr ardal mae Canolfan Siopa Brandiau o Buys Pen-y-bont ar Ogor a Chanol Dinas Caerdydd gyda'i siopau, y castell a lleoliadau celfyddydol.

2. RHAEADR MELIN CWRT - ABERTAWE - PENRHYN GŴYR - COED GELLI HIR

Dechreuwch y diwrnod gydag ymweliad â safle hudolus Rhaeadr Melincwrt - y rhaeadr 80 troedfedd yma yw canolbwynt y warchodfa o goetir sydd â charped o glychau'r gog ym mis Mai ac sy'n gartref i Fronwen y Dŵr, y Tingoch a'r Gwybedog Brith.

Nesaf i Fae Abertawe a Phenrhyn Gŵyr, sy'n cynnig rhai o'r tirluniau, y traethau, y choetiroedd a'r bywyd gwylt mwyaf trawiadol yn y DU. Stopiwch yn y Mumbuls am hufen iâ enwog Abertawe, Joe's Ice Cream, a chruywch ar hyd y pier ac wedyn allan o amgylch penrhyn Gŵyr i ddarganfod traethau enwog fel Bae Rhosili, Oxwich, Caswell a Three Cliffs. Stopiwch yng Nghanolfan Dreftodaeth y Gŵyr a Choed Gelli Hir, un o'n gwarchodfeydd, sy'n gartref i Bathewod, Gweilch Glas, Tylluanod Brech, Gweision y Neidr a Mursennod.

3. CASTELL A CHOED DINEFUR - COEDWIG TYWI - Y GANOLFAN OGOFÂU ARDDANGOS GENEDLAETHOL

Ewch i dref fechan hardd Llandeilo, gyda'i siopau a'i chaffis hyfryd ac unigryw, a dilynwch yr arwyddion am Barc Dinefur. Dyma safle castell godidog, yn uchel uwch ben dyffryn yr afon gyda golygfeydd gwych ar draws cefn gwlad Sir Gaerfyrddin. Archwiliwch y Castell, tŷ Dinefur a'r coetir hynafol rhyfeddol gyda'i llwybr pren ar godlad, pyllau a chuddfannau. Edrychwch am gnozell y coed, y tingoch a'r brid prin o ddo byw ar y stad. Os oes gennych chi amser, beth am fynd yn eich blaen tua'r gogledd drwy ddyffrynnoedd garw i Goedwig Tywi gyda'i cheunentydd creigiog trawiadol a'r coed o glychau'r gog. Cewch weld y Barcud Coch yn hedfan i'r entychion, y Gwybedog Brith ac, os byddwch chi'n ffodus, efallai i gwelwch chi un o Wlizerod Cochion prin canolbarth Cymru. Hefyd yn yr ardal hon ceir cannoedd o lwybrau cerdded a beicio yn ardal drawiadol Parc Cenedlaethol Bannau Brycheiniog, a'r Ganolfan Ogofâu Arddangos Genedlaethol gyda'i labyrnth tanddazrol o ogofâu, ei harddangosfeydd o ddeinosoriaid a'r Ganolfan a'r Fferm Ceffylau Gwedd.

Ganolfan Natur Forol
Ceredigion

Coedwig
Tywi

Castell a
Choed
Dinefur

Canolfan
Arddangosfa
Ogofâu
Genedlaethol

Gwarchodfa Natur
Rhaeadr Melin Cwrt

Gwarchodfa
Natur Taf
Fechan

Castell
Coch

Gwarchodfa Natur a
Chanolfan Ymwelwyr
Parc Slip

Caerdydd

DWYRAIN CYMRU
4-5 diwrnod
CYFANSWM

185A - 188B
MILLTIR



Clirwch yma am
y cyfarwyddiadau





Cofiwch am ein
**Creaduriaid
 Bonws**
[www.welshwildlife.org/
 adventures](http://www.welshwildlife.org/adventures)

TAITH FAWR CYMRU WYLLT

Os ydych chi eisiau gweld y cyfan, beth am gyfuno teithiau Tuar Goglewin a Draw i'r Dwyrain am wyliâu hirach. Rydym yn awgrymu eich bod yn aros mewn dwy ganolfan, un yn y Dwyrain ac wedyn un yn y Goglewin, i fanteisio i'r eithaf ar eich antur.

YR AMSER GORAU: Mawrth - Hydref (Diwedd Mawrth - Gorrffennaf i weld Palod, yr hydref i weld cenawon y Morloi)

TAITH FAWR
12-14 diwrnod
 CYFANSWM
 O 350A - 353B MILLTIR



Clirwch
 yma am y
 cyfarwyddiadau





Mae'r prosiect wedi cael ei gyllido drwy gyfrwng Cronfa Arloesi Cynnyrch
Turistiaeth Llywodraeth Cymru sy'n ceisio annog syniadau newydd ac arloesol
am gynyrrch mewn partneriaeth, i gael mwy o effaith a denu mwy o ymwelwyr.

www.welshwildlife.org/adventures

